

藝術典第一百二十六卷

醫部彙考一百六

經絡門一

黃帝素問 陰陽離合論

帝曰願聞三陰三陽之離合也

注離則爲三陰三陽合則爲一陰一陽

岐伯曰聖人南面而立前曰廣明後曰太衝

注南面爲陽故曰廣明背北爲陰故曰太衝太衝乃

陰血之原位處下焦上循背裏是以三陰以太衝爲主

太衝之地名曰少陰

注太衝所起之地爲足少陰之處

少陰之上名曰太陽

注少陰與太陽合陽出於陰故在陰之上

太陽根起於至陰結於命門名曰陰中之陽

注至陰穴在足小指外側太陽經脉之根起於此靈

樞曰太陽結於命門命門者目也陽明結於額大額大者鉗耳也少陽結於窻籠窻籠者耳中也

太陰結於太倉少陰結於廉泉厥陰結於玉英

中身而上名曰廣明

注陽出於陰從下而上故中身而上名曰廣明

廣明之下名曰太陰

注太陰主中土爲陰中之至陰故位居廣明之下

太陰之前名曰陽明

注太陰與陽明合並主中土故位居太陰之前

陽明根起於厲兌名曰陰中之陽

注厲兌穴在足大指次指之端乃足陽明經脈之所起

厥陰之表名曰少陽

注太陽之氣在上故曰少陰之上兩陽合明曰陽明在二陽之間而居中土

故曰太陰之前厥陰庭陰之極陰極於裏則生表出之陽故曰厥陰之表蓋以前爲陽上爲陽表爲陽也曰上曰前曰表者言三陽之氣也曰至陰厲兌竅陰者言三陽之經脈也手足十二經脈主三陰三陽之氣在經脈則分爲三陰三陽在氣相搏命曰一陰一陽耳

少陽根起於竅陰名曰陰中之少陽

注竅陰穴在足小指次指之端少陽主初生之氣故名陰中

之少陽三陽之氣皆出於陰故曰陰中之陽也

是故三陽之離合也太陽爲開陽明爲闔少陽爲樞

注陰陽之氣分而爲三陰三陽故有開有闔

有樞也太陽者巨陽也爲盛陽之氣故主開陽明合於二陽之間故主闔少陽乃初出之氣故主

樞

三經者不得相失也搏而勿浮命曰一陽

注開闔者如戶之扉樞扉之轉柱也舍樞不能開闔舍

開闔不能轉樞是以三經者不得相失也開主外出闔主內入樞主外內之間若搏於中而勿浮則合而爲一陽矣

帝曰願聞三陰岐伯曰外者爲陽內者爲陰

注陽氣出而主外陰氣升而主內

然則中爲陰其衝在下名曰太陰

注

陰陽二氣皆主於下陰氣出而在內是以中爲陰其所出之

太衝在下而衝之上名曰太陰衝脉爲十二經脉之原故三陰三陽皆以太衝爲主

太陰根起於隱白名曰陰中之陰

注

隱白穴在足大指端太陰爲陰中之至陰

太陰之後名曰少陰

注

中爲陰故曰後曰前言陰氣出於下而並處於裏之中也

少陰根起於湧泉名曰陰中之少陰

注

湧泉穴在足心下蹠指宛宛中少陰乃一陰初生之氣故

爲陰中之少陰

少陰之前名曰厥陰

注

少陰主水厥陰主水生之木故在少陰之前

厥陰根起於大敦陰之絕陽名曰陰之絕陰

注

大敦穴在足大指三毛中足厥陰肝經所出之井

穴陰在下故論足之三陰也十一月一陽初生厥陰主十月爲陽之盡故曰陰之絕陽兩陰交盡

名曰厥陰故爲陰之絕陰

是故三陰之離合也太陰爲開厥陰爲闔少陰爲樞

注

太陰者三陰也爲陰之盛故主開厥陰爲

兩陰之交盡故主闔少陰爲一陰之初生故主樞

三經者不得相失也搏而勿沉命曰一陰

注

陰氣從下而出在內之中搏聚而勿沉命爲一陰也

陽氣主浮故曰勿浮陰氣主沉故曰勿沉蓋三陽之氣開闔於形身之外三陰之氣開闔於內之

前後故曰陽在外陰之使也陰在內陽之守也

陰陽韡韡積傳爲一周氣裏形表而爲相成也

注

韡韡氣往來也陰氣積於內陽氣傳於外日出

而陽氣生日中而陽氣隆日晡而陽氣衰日入而陽氣內歸於陰一晝夜而爲之一周陰氣開闔

於裏陽氣出入於形表而爲陰陽離合之相成也

帝曰願聞十二經脈之終奈何

注論臟腑陰陽之合併也所論五臟之氣者三陰之所主也三陰

之氣與三陽交并陽氣先至陰氣後至合於十二經脈內絡臟腑外絡形身外內出入循環無端故曰診合微之事追陰陰之變不知并合診故不明陰陽并交至人之所行當知五行而生三氣三而三之合而六氣六六之氣以應十二經脈一經之氣已終是不復陰陽相貫而環轉無端矣岐伯曰太陽之脈其終也戴眼反折瘈瘲其色白絕汗乃出出則死矣

注

戴眼眼上視也反折背

反張也瘈瘲手足屈伸也足太陽之脈起於目內眦俠脊抵腰中手太陽之脈循背上肩至目外眦皆太陽主筋而爲諸陽主氣陽氣者柔則養筋太陽之經氣已絕是以筋脈急而戴眼反折手足牽引也手太陽主液膀胱者津液之所藏絕汗者津液外亡也色白者亡血也津液外脫則血內亡矣

少陽終者耳聾百節皆縱目眴絕系絕系一日半死其死也色先青白乃死矣

注

手足少陽經脈

皆循於耳經氣絕故耳聾少陽主骨諸節皆屬於骨少陽氣終故百節皆縱眴目驚眊手足少陽之脈皆至目銳眥終則牽引於目故目如驚而邪視也絕系目系絕也少陽屬腎腎藏志系絕則

志先絕故一日半死也青者甲木之氣外脫也白者三焦之榮內亡也夫陽生於陰色生於氣是以六經之氣終而先見於色

陽明終者口目動作善驚妄言色黃其上下經盛不仁則終矣

注手足陽明之脉皆俠口承目故

口目動作而牽引歪邪也聞木音則惕然而驚陽明之善驚也罵詈不避親疎陽明之妄言也色黃陽明之土氣外脫也上下經盛胃氣絕而無柔和之象也榮衛者中焦水穀之所生肌膚不仁者榮衛之氣絕也

少陰終者面黑齒長而垢腹脹閉上下不通而終矣

注

心之華在面而面黑者水氣上乘火氣滅而

水氣脫矣齒長而垢骨氣洩也腹脹閉而上下不通者心腎水火之氣並絕而不能上下交通矣太陰終者腹脹閉不得息善噫善嘔嘔則逆逆則面赤不逆則上下不通不通則面黑皮毛焦而終矣

注

足太陰脈入腹屬脾故腹脹手太陰脈上膈屬肺而主呼吸故為不得息脹滿則升降難不

得息則氣道滯故為噫為嘔嘔則氣逆於上故為面赤不逆則否塞於中故為上下不通脾氣敗則無以制水故黑色見於面肺氣敗則治節不行故皮毛焦

厥陰終者中熱噤乾善溺心煩甚則舌卷卵上縮而終矣此十二經之所敗也

注手厥陰心主之

脉起於胃中出屬心包絡足厥陰肝脉循喉嚨入顙頰其下者循陰股入毛中過陰器厥陰木火之氣欲絕故中熱噤乾也肝所生病者遺溺善溺者肝氣下洩也心煩者包絡之氣上炎也肝者筋之合筋者聚於陰器而脈絡於舌本甚則舌卷囊縮而終矣此十二經之所敗三陰三陽之氣終也

血氣形志篇

夫人之常數太陽常多血少氣少陽常少血多氣陽明常多氣多血少陰常少血多氣厥陰常多血少氣太陰常多氣少血此天之常數

注

夫氣爲陽血爲陰腑爲陽臟爲陰臟腑陰陽雌雄相合而

氣血之多少自有常數如太陽多血少氣則少陰少血多氣少陽少血多氣則厥陰多血少氣陽有餘則陰不足陰有餘則陽不足此天地盈虛之常數也惟陽明則氣血皆多蓋血氣皆生於陽明也

足太陽與少陰爲表裏少陽與厥陰爲表裏陽明與太陰爲表裏是謂足陰陽也手太陽與少陰爲

表裏少陽與心主爲表裏陽明與太陰爲表裏是謂手之陰陽也

注

夫手有三陰三陽足有三陰

三陽以合十二經脉陰陽並交表裏相應是以聖人持診之道先後陰陽而持之診合微之事追陰陽之變章五中之情取虛實之要知此乃足以診如切陰不得陽診消亡得陽不得陰守學不湛是故臟腑陰陽相爲表裏此皆診候之要也

氣府論

足太陽脉氣所發者七十八穴

注

脉者血氣之府穴者脈氣所發

兩眉頭各一

注

攢竹穴也

入髮至項三寸半旁五相去三寸

注

大杼風門二穴也入髮至項者謂上入於髮際下至於項間

相去三寸半許旁五者謂五行之兩旁也相去三寸半者大杼在大椎各開一寸五分風門在二椎間各開一寸五分也

其浮氣在皮中者凡五行行五五二十五

注

太陽之脉氣循背上升於頭項而中行督脉之顙

會前頂百會後頂長強五穴旁兩行太陽經之五處承光通天絡鄰玉枕十穴又旁兩行少陽經

之臨泣目窗正營承靈腦空十穴皆從太陽之氣而爲太陽之脈氣所發是剛健柔順筋隨氣發者也後六經皆然

項中大筋兩旁各一

注天柱二穴也

風府兩旁各一

注風池二穴也

俠背以下至尻尾二十一節十五間各一五臟之俞各五六腑之俞各六

注自大椎至尾骶骨計

二十一節其間十五椎旁各一穴謂肺俞厥陰俞心俞膈俞肝俞膽俞脾俞胃俞三焦俞腎俞大腸俞小腸俞膀胱俞中膞內俞白環俞兩旁共計三十穴而五臟之俞各五六腑之俞各六皆在於其間

委中以下至足小指旁各六俞

注委中崑崙京骨束骨通骨至陰各六俞共十二穴通計七十七

穴外脫簡一穴

足少陽脈氣所發者六十二穴兩角上各二

注天衝曲鬢左右各二共四穴也

直目上髮際內各五

注臨泣目窗正營承靈腦空左右各五共十穴按太陽之氣上升於頭項少

陽之氣上升於頭頰故此五脈從太陽之氣則爲太陽之氣所發從少陽之脈則爲少陽之脈氣所發也

耳前角上各一

注 頷厭二穴

耳前角下各一

注 懸釐二穴

銳髮下各一

注 和髎二穴屬手少陽三焦經

客主人各一

注 一名上關在耳前起骨上廉

耳後陷中各一

注 翳風二穴屬手少陽三焦經

下關各一

注 下關二穴在客主人下耳前動脈下廉合口有空屬足陽明胃經

耳下牙車之後各一

注 頰車二穴屬足陽明胃經

缺盆各一

注 缺盆二穴在肩下橫骨陷者中屬足陽明胃經

掖下三寸脅下至臑八間各一

注 掖下謂淵液輒筋天池脅下至臑謂日月章門帶脈五樞維道

居髂共九穴曰八間者自腋下三寸至季肋間凡八肋骨間也淵液在腋下三寸宛宛中舉臂得

之輒筋在期門下五分陷中第三肋間天池屬手厥陰心包絡經在腋下三寸乳後一寸日月在期門下五分章門係足厥陰肝經穴在季脅肋端臍上二寸兩旁開九寸側臥肘尖盡處是穴帶脈在季脅下一寸八分陷中五樞在帶脉下三寸維道在章門下五寸三分居髃在章門下八寸三分

髀樞中旁各一

注環跳二穴側臥伸下足屈上足以右手摸穴左搖撼取之爲得

膝以下至足小指次指各六俞

注陽陵泉陽輔丘墟臨泣俠谿竅陰六穴陽陵泉在膝下一寸胫

外廉陷中端坐取之陽輔在足外踝上四寸輔骨前三分丘墟在足外踝下陷中臨泣在足小指次指本節後間陷中俠谿在足小指次指岐骨間本節前陷中竅陰在足小指次指之端去爪甲如韭葉

足陽明脈氣所發者六十八穴額顙髮際旁各三

注懸顙陽白頭維左右各三共六穴也懸顙陽

白係足少陽膽經頭維係本經穴懸顙在曲角上陽白在肩上一寸直瞳子頭維在頭角入髮際本神旁一寸半神庭旁四寸半

面軌空各一

注

四白穴在目下一寸直對瞳子下

大迎之骨空各一

注

大迎穴在頤前一寸三分骨陷中動脈

人迎各一

注

人迎穴在結喉兩旁一寸半大動脈應手

缺盆外骨空各一

注

天髎穴屬手少陽三焦經在肩缺盆上骨際陷中缺盆上起肉是穴

膺中骨間各一

注

膺窗氣戶庫房屋翳乳中乳根六穴曰各一者言膺中之骨間正諸穴之所在

氣戶上柱骨下兪府二旁各二寸陷中庫房在氣戶下一寸六分陷中屋翳在巨房下一寸六分

陷中膺窗在屋翳下一寸六分陷中乳中當乳中是穴乳根在乳中下一寸六分陷中

俠鳩尾之外當乳下三寸俠胃脘各五

注

本經不容承滿梁門關門太乙五穴各去中行三寸不

容在巨闕旁第四肋端下至下承滿梁門關門太乙上下相去各一寸

俠齊廣三寸各三

注

骨肉門天樞外陵三穴滑肉門在太乙下一寸去中行俠齊各三寸天樞在

齊旁各開二寸陷中外陵在天樞下一寸去中行各二寸

下齊二寸俠之各三

注

大巨水道歸來三穴大巨在外陵下一寸水道在大巨下一寸歸來在水

道下二寸各開齊下中行二寸

氣衝動脈各一

注卽氣衝穴在歸來下鼠蹊上一寸動脈應手

伏菟上各一

注髀關二穴在膝上伏菟後交分中

三里以下至足中指各八俞分之所在穴空

注八俞者謂三里巨虛上廉巨虛下廉解谿衝陽陷

谷內庭厲兌八穴分之所在計十六穴三里在膝下三寸脘骨外廉大筋內宛宛中巨虛上廉在三里下三寸巨虛下廉在上廉下三寸解谿在衝陽後一寸半腕上陷中指大指次指直上跗下陷中衝陽在足跗下五寸動脈應手陷谷在足大指次指下本節後陷中內庭在足大指次指外間陷中厲兌在足大指次指端去爪甲如韭葉

手太陽脈氣所發者三十六穴目內眥各一

注睛明穴屬足太陽膀胱經在內眥外一分宛宛中

乃手足太陽足陽明陰陽蹻五脈之會

目外各一

注瞳子髎二穴屬足少陽膽經在目外去眥五分

顴骨下各一

注顴髎二穴在面顴骨下廉銳骨端陷中

耳郭上各一

注

角孫二穴係手少陽三焦經在耳郭中間上髮際下開口有空

耳中各一

注

聽宮二穴耳中珠子大如赤小豆

巨骨穴各一

注

巨骨二穴係手陽明大腸經在肩尖端上行兩叉骨罅間

曲掖上骨穴各一

注

臑俞二穴挾肩髃後大骨下腓上廉陷中舉臂取之

柱骨上陷者各一

注

肩井二穴係足少陽膽經在肩上陷中缺盆上大骨前一寸半

上天窗四寸各一

注

天窗竅陰四穴竅陰屬足少陽膽經天窗在頸大筋間前曲頰下扶突後動

脈應手竅陰在完骨上枕骨下動搖有空

肩解各一

注

秉風二穴在肩小髃後舉臂有空

肩解下三寸各一

注

天宗二穴在秉風後大骨下陷中

肘以下至手小指本各六俞

注

小海陽谷腕骨後谿前谷少澤六穴小海在肘內大骨外去肘端

五分陷中陽谷在手外側陷中銳骨下腕骨在手外側腕前起骨下陷中後谿在手小指外側本

節後陷中握拳取之前谷在手小指外側本節前陷中少澤在手小指外側去爪甲一分陷中

手陽明脈氣所發者二十六穴鼻空外廉項上各二

注迎香扶突二穴迎香在鼻下空旁五分扶

突在頸當曲頰下一寸人迎後一寸半

大迎骨空各一

注

大迎穴係足陽明胃經在頰前一寸五分

柱骨之會各一

注

天鼎二穴在頸缺盆上扶突後一寸

髑骨之會各一

注

肩髃二穴也在膊骨頭肩端上兩旁罅間陷者宛宛中舉臂取之

肘以下至手大指次指本各六俞

注

三里陽谿合骨三間二間商陽六穴三里在曲池下二寸陽

谿在腕中上側兩筋間陷中合骨在手大指次指岐骨間陷中三間在食指本節後內側陷中二

間在食指本節前內側陷中商陽在食指內側去爪甲如韭葉許

手少陽脈氣所發者三十二穴臑骨下各一

注

臑髎二穴係手太陽小腸經在兩頰骨銳骨端陷

中

眉後各一

注

絲竹空二穴在肩後陷中

角上各一

注

懸釐二穴係足少陽膽經在曲角上腦空下廉

下完骨後各一

注天牖二穴係足少陽膽經在耳後入髮際四分

項中足太陽之前各一

注風池二穴係足少陽膽經在耳後腦空下髮際陷中

俠扶突各一

注天窗二穴在頸大筋間前曲頰下扶突後動脈應手屬手太陽小腸經

肩貞各一

注肩貞二穴係手太陽小腸經在曲頰兩骨解間肩髃後陷中

肩貞下三寸分間各一

注肩髃髃會消鑠三穴肩髃當缺盆上突起肉髃會挾肩髃後大骨下腓

上廉陷中消鑠在肩下臂外間腋對肘分下

肘以下至於小指次指本各六俞

注天井支溝陽池中渚液門關衝六穴天井在肘外大骨後肘

上一寸輔骨上兩筋叉罅中支溝在腕後臂外三寸兩骨間陷中陽池在手表腕上陷中從指本

節直摸下至腕中心中渚在手小指次指本節後間陷中液門在手小指次指本節間陷中捏拳

取之關衝在無名指端去爪甲如韭葉許

督脈氣所發者二十八穴項中央二

注風府瘰門二穴也風府在項後入髮際一寸大筋內宛宛

中疾言其肉立起言休立下瘰門在項間風府後一寸入髮際五分項中央宛宛中入繫舌本